

新刊王氏脉經

四



新刊王氏脉經卷第八



朝散大夫守光祿卿直秘閣判登聞檢院上護軍臣林億等類次

平卒中厥脉證第一

平瘧濕暍脉證第二

平陽毒陰毒百合狐惑脉證第三

平霍亂轉筋脉證第四

平中風歷節脉證第五

平血痺虛勞脉證第六

平消渴小便利淋脉證第七

平水氣黃汗氣分脉證第八

平黃疸寒熱瘧脉證第九



平脊痺心痛短氣責脉脉證第十

平腹滿寒疝宿食脉證第十一

平五藏積聚脉證第十二

平驚悸衄吐下血骨滿瘀血脉證第十三

平嘔噦下痢脉證第十四

平肺痿肺癰欬逆上氣喘飲脉證第十五

平癰腫腸癰金瘡侵淫脉證第十六

平卒中厥脉證第一

寸口沈大而滑沈則為實滑則為氣實氣相搏血氣入於藏即死入於腑即愈此為卒厥不知人唇青身冷為入藏即死如身溫和汗自出為入腑而復自愈

平產濕暍脉證第二

產一作瘕

太陽病發熱無汗而反惡寒者名剛瘧

太陽病發熱汗出而不惡寒者名柔瘧

惡寒

太陽病發熱其脈沈而細者為瘧

太陽病發其汗因致瘧

論云發其汗太多因致瘧

病者身熱足寒頸項強急惡寒時頭熱面赤目脈赤獨頭動

搖者為瘧

論云獨頭面搖卒口

太陽病無汗而小便反少氣上衝冒口噤不得語欲作剛瘧

葛根湯主之

剛瘧為病骨滿口噤臥不著席脚攣急其人必齮齒可與大

承氣湯

瘧病發其汗已其脈冷如蛇暴腹脹大者為欲解脈如故

反伏弦者必瘧

一二云瘧脈出欲已

痙脈來按之築築而弦直上下行

痙家其脈伏堅直上下

夫風病下之則痙復發其汗必拘急

太陽病其證備身體強几几然脈沈遲此為痙枯樓桂枝湯主之

痙病有灸瘡難療

瘡家雖身疼痛不可發其汗汗出則痙

太陽病關節疼痛脈沈而緩者為中濕

論云中濕為濕痺之候其人小便不利大

溲反快但當利其小便

病者一身盡疼

一云發熱日晡即劇此為風濕汗出所致也

論云此病傷於汗出當風或久傷取冷所致

濕家之為病一身盡疼發熱而身色熏黃也

濕家之爲病其人但頭汗出而背強欲得被覆向火若下之
早則噦或背滿小便利一云不利舌上如胎此爲丹田有熱背上有寒渴欲飲而不能飲則口燥也

濕家下之額上汗出微喘小便利一云不利者死若下利不止者亦死

問曰風濕相搏身體疼痛法當汗出而解值天陰雨不止師云此可發汗而其病不愈者何也荅曰發其汗汗大出者但風氣去濕氣續在是故不愈若治風濕者發其汗微微似欲出汗者則風濕俱去也

濕家身煩疼可與麻黃湯加朮四兩發其汗爲宜慎不可以火攻之

風濕脉浮身重汗出惡風者防己湯主之

病人喘頭痛鼻塞而煩其脉大自能飲食腹中和無病病在
頭中寒濕故鼻塞內藥鼻中即愈論云濕家病身涼痛發熱面黃而喘頭痛鼻塞而煩
傷寒八九日風濕相搏身體疼痛不能自轉側不嘔不渴脉
浮虛而澀者桂枝附子湯主之若其人大便鞭小便自利者
朮附子湯主之

風濕相搏骨節疼煩掣痛不得屈伸近之則痛劇汗出短氣
小便不利惡風不欲去衣或身微腫者甘草附子湯主之

太陽中熱暍是也其人汗出惡寒身熱而渴也白虎湯主之
太陽中暍身熱疼痛而脉微弱此以夏月傷冷水水行皮膚
中所致也瓜蒂湯主之

太陽中暍發熱惡寒身重而疼痛其脉弦細乳遲小便已洒
洒然毛聳手足逆冷小有勞身熱口前開板齒燥者發其汗

惡寒則甚加溫針則發熱益甚數下之淋復甚

平陽毒陰毒百合狐惑脉證第三

陽毒爲病身重腰背痛煩悶不安狂言或走或見鬼或吐血下痢其脉浮大數回赤斑斑如錦文喉咽痛唾膿血五日可治至七日不可治也有傷寒一二日便成陽毒或服藥吐下後變成陽毒升麻湯主之

陰毒爲病身重背強腹中絞痛咽喉不利毒氣攻心心下堅強短氣不得息嘔逆唇青面黑四肢厥冷其脉沈細緊數身如被打五六日可治至七日不可治也或傷寒初病一二日便結成陰毒或服藥六七日以上至十日變成陰毒甘草湯主之

百合之爲病其狀常默默欲臥復不能臥或如強健人欲得

出行而復不能行意欲得食復不能食或有美時或有不
聞飲食臭時如寒無寒如熱無熱朝至口苦小便赤黃身
如和其脉微數百脉一宗悉病各隨證治之百合病見於陰
者以陽法救之見於陽者以陰法救之見陽攻陰復發其汗
此為逆其病難治見陰攻陽乃復下之此亦為逆其病難治
千金方云見在於陰而攻其陽則陰不得解也復發其汗為逆也見在於陽而攻其陰則陽不得解也復下之其病不愈
狐惑為病其氣如傷寒默默欲眠目不得閉臥起不安蝕於
喉為蝕蝕於陰為狐狐惑之病並不欲飲食聞食臭其面目
乍赤乍白乍黑其毒蝕於上者則聲啞其毒蝕下部者咽乾
蝕於上部瀉心湯主之蝕於下部苦參湯淹洗之蝕於肛者
雄黃熏之

喝一作吸

其人脉數無熱微煩默默欲卧汗出初得三四日目赤如鳩

眼得之七八日目四眦黃黑若能食者膿已成也赤小豆湯歸散主之

病人或從呼吸上蝕其咽或從下膈蝕其肛陰蝕上爲感蝕下爲狐狐惑病者猪苓散主之

平霍亂轉筋脈證第四

問曰病有霍亂者何師曰嘔吐而利此爲霍亂

問曰病者發熱頭痛身體疼惡寒而復吐利當屬何病師曰當爲霍亂霍亂吐利止而復發熱也傷寒其脈微瀼本是霍亂今是傷寒却四五日至陰經上轉入陰必吐利

轉筋爲病其人臂脚直脈上下行微弦轉筋入腹雞屎白散主之

平中風歷節脈證第五

夫風之爲病當半身不遂或但臂不遂者此爲痺脉微而數中風使然

頭痛脉滑者中風風脉虛弱也

寸口脉浮而緊緊則爲寒浮則爲虛虛寒相搏邪在皮膚浮者血虛絡脉空虛賊邪不瀉或左或右邪氣反緩正氣則急正氣引邪唱僻不遂邪在於絡肌膚不仁邪在於經則重不勝邪入於腑則不識人邪入於藏舌即難言口吐涎

寸口脉遲而緩遲則爲寒緩則爲虛榮緩則爲亡血衛遲則爲中風邪氣中經則身癢而癢癢心氣不足邪氣入中則骨滿而短氣

趺陽脉浮而滑滑則穀氣實浮則汗自出

少陰脉浮而弱弱則血不足浮則爲風風血相搏則疼痛如掣



盛人脉潛小短氣自汗出歷節疼不可屈伸此皆飲酒汗出當風所致也

寸口脉沈而弱沈則主骨弱則主筋沈則為腎弱則為肝汗出入水中如水傷心歷節黃汗出故曰歷節也味酸則傷筋筋傷則緩名曰泄臑則傷骨骨傷則痿名曰枯枯泄相搏名曰斷泄榮氣不通衛不獨行榮衛俱微三焦無所御四屬斷絕身體羸瘦獨足腫大黃汗出脛冷假令發熱便為歷節也病歷節疼痛不可屈伸烏頭湯主之

諸肢節疼痛身體魁濩脚腫如脫頭眩短氣溫溫欲吐桂枝芍藥知母湯主之

平血痺虛勞脉證第六

問曰血痺從何得之師曰夫尊榮人骨弱肌膚盛重因疲勞

汗出臥不時動搖加被微風遂得之形如風狀巢源云其狀如被微風所吹但以脉自微濇在寸口關上小緊宜針引陽氣令脉和緊去則愈

血痺陰陽俱微寸口關上微尺中小緊外證身體不仁如風狀黃耆桂五物湯主之

夫欲治病當先知其證何趣乃當攻之耳

男子平人脉大為勞極虛亦為勞

男子勞之為病其脉浮大手足暖春夏劇秋冬差陰寒精自出酸削不能行少陰虛滿

人年五十六十其脉浮大者痺俠背行苦腸鳴馬刀俠嬰者皆為勞得之

男子平人脉虛弱細微者喜盜汗出也

男子面色薄者主渴及亡血卒喘悸其脉浮者裏虛也

男子脉虛沈弦無寒熱短氣裏急小便不利面色白時時目瞑此人喜衄少腹滿此爲勞使之然

男子脉微弱而澀爲無子精氣清冷

夫失精家少腹弦急陰頭寒目眦痛目眩云髮落脉極虛孔遲爲清穀亡血失精

脉得諸孔動微緊男子失精女子夢交通桂枝加龍骨牡蠣湯主之

脉沈小遲名脫氣其人疾行則喘喝手足逆寒腹滿甚則溏泄食不消化也

脉弦而大弦則爲減大則爲孔減則爲寒孔則爲虛寒虛相搏此名爲革婦人則半產漏下男子則亡血失精

平消渴小便利淋脈證第七

師曰厥陰之為病消渴氣上衝心心中疼熱飢而不欲食食即吐下之不肯止

寸口脈浮而遲浮則為虛遲則為勞虛則衛氣不足遲則榮

氣竭趺陽脈浮而數浮則為氣數則消穀而緊要暑緊作大堅氣盛

則澁數澁數則緊要暑緊作堅緊數相搏則為消渴

男子消渴小便反多以飲一斗小便一斗腎氣圓主之

師曰熱在一作結下焦則溺血亦令人淋閉不通淋之為病小

便如粟狀少腹弦急痛引臍中寸口脈細而數數則為熱細

則為寒數為強吐趺陽脈數胃中有熱則消穀引食大便必

堅小便則數少陰脈數婦人則陰中生瘡男子則氣淋

淋家不可發汗發汗則必便血

平水氣黃汗氣分脈證第八

師曰病有風水有皮水有正水有石水有黃汗風水其脈自浮外證骨節疼痛其人惡風皮水其脈亦浮外證肘腫按之沒指不惡風其腹如鼓如鼓一作不滿不渴當發其汗正水其脈沈遲外證自喘石水其脈自沈外證腹滿不喘黃汗其脈沈遲身體發熱宜滿四肢頭面腫久不愈必致癰膿

脈浮而洪浮則為風洪則為氣風氣相搏風強則為癰瘡身體為癢癢為泄風久為癰瀰氣強則為水難以俛仰風氣相擊身體洪腫汗出乃愈惡風則虛此為風水不惡風者小便通利上脘有寒其口多涎此為黃汗

寸口脈沈滑者中有水氣面目腫大有熱名曰風水視人之目裹上微擁如新臥起狀其頸脈動時時欬按其手足上陷

而不起者風水太陽病脉浮而緊法當骨節疼痛而反不疼
身體反重而酸其人不渴汗出即愈此為風水惡寒者此為
極虛發汗得之渴而不惡寒者此為皮水身腫而冷狀如周
痺背中空不能食反聚痛暮躁不眠此為黃汗痛在骨節欬
而喘不渴者此為脾脹其形如腫發汗即愈然諸病此者渴
而下利小便數者皆不可發汗

風水其脉浮浮為在表其人能食頭痛汗出表無佗病病者
言但下重故從腰以上為和腰以下當腫及陰難以屈伸防
已黃耆湯主之

一云風水脉浮身重汗出
惡風者防已黃耆湯主之

風水惡風一身悉腫脉浮不渴續自汗出而無大熱者越婢
湯主之

師曰裏水者一身面目洪腫其脉沈小便不利故令病水假